



Inatsisartunut ilaasortaq Marianne Paviasen, Inuit Ataqatigiit

## **Savaatilinnut aqquserngit pillugit § 37 naapertorlugu apeqquteqaammut 2022-187-imut akissut**

16-11-2022  
Suliap nr.: 2022 - 22879  
ID nr. 81871860

Asasara Marianne Paviasen

Inatsisartut suleriaasianni § 37 naapertorlugu savaatilinnut aqquserngit pillugit Naalakkersuisunut apeqquteqaateqarputit. Apeqqutitit uannit akineqartussatut innersuunneqarput. Apeqqutitit matuma kinguliani ataasiakkaarlugit allanneqarput, akissummillu malitseqarlutik.

Postboks 909  
3900 Nuuk  
Tlf.: (+299) 34 50 00  
E-mail: box909@nanoq.gl  
www.naalakkersuisut.gl

### **1. Kujataani savaatilinniit savaatilinnut aqquserngit aseruaitersimanerinit Naalakkersuisut qanoq iliuuseqarniarpat?**

Akissut: Aqquserngit kommunip susassaqafigai. Kommunit missingersuutaanni ukiumoortumik immikkoortitanit aqquserngit aningaasalersorneqarput, immikkullu siunertamut tassunga Namminersorlutik Oqartussat kommunimut ukiumut ataatsimoortumik tapiissuteqartarlutik. 2022-mi Aningaasanut inatsisitigut kommunimut ataatsimoortumik tapiissutit 416.000 koruuniupput.

Ukiumut tapiissutigineqartartut kommunip naammassorinngikkunigit, kommuninut ataatsimoortumik tapiissutissat isumaqatiginninniutigineqarnerini kissaatini ilannguteqqullugit kommuni kaammattorneqarpoq.

Ataatsimoortumik tapiissutissat 2022-p ukiaani isumaqatiginninniutigineqarnerinut atatillugu siunertamut aningaasaliissutit tiguneqarsimasut, aningaasallu atorineqarsimasut naatsorsorneqarnerinik Kommune Kujalleq nassitsissasoq kaammattorneqarpoq. Tamatuma saniatigut savaatilinnut aqquserngit km-inngorlugu qanoq takitiginerisa, ukiullu kingulliit tallimat aqqusinniarineqarsimasut km-inngorlugu qanoq takitiginerisa takussutissartaanik kommuni nassitsissasoq kaammattorneqarpoq.

Ilanngullugu paasissutissiissutigisinnaavara Attaveqaasersuutinnut suliniutit pillugit Naalakkersuisut Borgmester Stine Egedemik kiisalu kommunalbestyrelsemik pitsaasumik oqaloqateqartarmata.

### **2. Kujataani savaateqarfiit akornanni kuunni ikaartarfiit aseruaitersimasut Naalakkersuisunit iluarsartuunneqarnissaannut suleqataanissamik piunassuseqartoqarpa?**

Akissut: Apeqqut 1-imut akissut takuuk.

**3. Suleqataanissamik piomassuseqartoqarsimaguni suleqatigiinneq qanoq ittoq takorloorneqarpa?**

Akissut: Kommune Kujallermi savaatilinnut aqquuserngit iluarsartuunneqarnissaannut tunngatillugu, kommuninut ataatsimoortumik tapiissutissat pillugit isumaqatiginninniutigineqarnissaanni aqqiissutissatsialannik ujartuinissamut ikiuisinnaalluni Ineqarnermut Attaveqaasersuutinullu Naalakkersuisoqarfik Kommune Kujallermut nalunaaruteqarnikuvoq.

**A) Aningaasanik tapersiinikkut?**

Akissut: Apeqput 1-imut akissut takuuk.

**B) Suliarinnittussanik ikiorsiissuteqarnikkut?**

Akissut: Apeqput 1-imut akissut takuuk.

Neriuppunga qulaani allaqqasuni apeqquteqaatitit akineqartut.

Inussiarnersumik inuulluaqqusillunga



Erik Jensen